

智一切種智不可得卅尊如是菩薩摩訶薩
般若波羅蜜為迴向薩婆若故亦為不生高
心故

摩訶般若波羅蜜經卷第十三

海三

摩訶般若波羅蜜經卷第十四

海四

後秦三藏沙門鳩摩羅什譯

寶塔品第三十二

尔時佛告釋提桓因若有善男子善女人聞
是深般若波羅蜜受持親近讀誦正憶念不
離薩婆若心兩陣戰時是善男子善女人誦

般若波羅蜜故入軍陣中終不失命刀箭不
傷何以故是善男子善女人長夜行六波羅
蜜自除姪欲刀箭亦除他人姪欲刀箭自除
瞋恚刀箭亦除他人瞋恚刀箭自除愚癡刀
箭亦除他人愚癡刀箭自除邪見刀箭亦除
他人邪見刀箭自除纏垢刀箭亦除他人纏

垢刀箭自除諸結使刀箭亦除他人結使刀
箭惱尸迦以是因緣是善男子善女人不為
刀箭所傷復次惱尸迦是善男子善女人聞
是深般若波羅蜜受持親近讀誦正憶念不
離薩婆若心若以毒藥熏若以蠱道若以火
坑若以深水若欲刀殺若與毒如是眾惡皆
不能傷何以故是般若波羅蜜是大明呪是
無上呪若善男子善女人於是明呪中學自
不惱身亦不惱他亦不兩惱何以故是善男
子善女人不得我不得眾生不得壽命乃至
知者見者皆不可得不得色受想行識乃至
一切種智亦不可得不可得故不自惱身
亦不惱他亦不兩惱學是大明呪故得阿耨
多羅三藐三菩提觀一切眾生心隨意說法
何以故過去諸佛學是大明呪得阿耨多羅
三藐三菩提當來諸佛學是大明呪當得阿
耨多羅三藐三菩提今現在諸佛學是大明
呪得阿耨多羅三藐三菩提復次惱尸迦般

若波羅蜜若有但書寫經卷於舍供養不受
不讀不誦不說不正憶念是處若人若非人
不能得其便何以故是般若波羅蜜為三千
大千國土中四天王諸天乃至阿迦尼吒諸
天子及十方無量阿僧祇國土中諸四天王
天乃至阿迦尼吒諸天等所守護故是般若

波羅蜜所止處諸天皆來供養恭敬尊重讚
歎禮拜已汝是善男子善女人般若波羅蜜
但書寫經卷於舍供養不受不讀不誦不說
不正憶念今世得如是功德譬如若人若畜
生來入菩提樹下諸邊內外設有人非人惡
意來不能得其便何以故是處過去諸佛於

摩訶訶十四

中得阿耨多羅三藐三菩提未來諸佛現在
諸佛亦於中得阿耨多羅三藐三菩提得佛
已施一切眾生無恐無畏令無量阿僧祇眾
生受天上人中福樂亦令無量阿僧祇眾
得須陀洹果乃至得阿耨多羅三藐三菩提
以般若波羅蜜力故是處得恭敬禮拜華香

瓔珞持香澤香幢蓋伎樂供養釋提桓因白
佛言世尊若善男子善女人書寫般若波羅
蜜華香瓔珞乃至伎樂供養若有人佛般涅
槃後若供養舍利若起塔供養恭敬尊重讚
歎華香瓔珞乃至伎樂供養是二何者得福
多佛告釋提桓因我還問汝隨汝意答我於

汝意云何如佛得一切種智及得是身從何
道學得是一切種智得是身釋提桓因白佛
佛從般若波羅蜜中學得一切種智及相好
身佛告釋提桓因如是如是憍尸迦佛從般
若波羅蜜中學得一切種智憍尸迦不以是
身名為佛得一切種智故名為佛憍尸迦是

佛一切種智從般若波羅蜜中生以是故憍
尸迦是佛身一切種智所依處佛因是身得
一切種智善男子當作是思惟是身一切種
智所依處是故我涅槃後舍利當得供養復
次憍尸迦善男子善女人若聞是般若波羅
蜜書寫受持親近讀誦正憶念華香瓔珞持

摩訶訶十四

三

香澤香鬘蓋伎樂恭敬供養尊重讚歎是善男子善女人則為供養一切種智以是故憍尸迦若有善男子善女人書是般若波羅蜜若受持親近讀誦說正憶念供養恭敬尊重讚歎華香瓔珞乃至伎樂若復有善男子善女人佛涅槃後供養舍利起塔恭敬尊重讚歎華香乃至伎樂若有善男子善女人聞是般若波羅蜜書持供養恭敬尊重讚歎華香瓔珞乃至伎樂是人得福多何以故是般若波羅蜜中生五波羅蜜生內空乃至無法有法空四念處乃至十八不共法一切三昧一切禪定一切陀羅尼門皆從般若波羅蜜中生成就衆生淨佛國土皆從般若波羅蜜中生菩薩家成就色成就資生之物成就眷屬成就大慈大悲成就皆從般若波羅蜜中生利利大姓婆羅門大姓居士大家皆從是般若波羅蜜中生四天王天乃至阿迦尼吒天須陀洹乃至阿羅漢辟支佛諸菩薩摩訶薩

諸佛諸佛一切種智皆從是般若波羅蜜中生今時釋提桓因白佛言世尊閻浮提人不供養般若波羅蜜不恭敬不尊重不讚歎為不知供養多所利益耶佛告釋提桓因憍尸迦於汝意云何閻浮提中幾所人信佛不壞信法信僧不壞幾所人於佛無疑於法於僧無疑幾所人於佛決了於法於僧決了釋提桓因白佛言世尊閻浮提人於佛法僧不壞信少於佛法僧無疑決了亦少憍尸迦於汝意云何閻浮提幾所人得三十七品三解脫門八解脫九次第定四無礙智六神通閻浮提幾所人斷三結故得須陀洹道幾所人斷

三結亦婬瞋癡薄故得斯陀含道幾所人斷五下分結得阿那含道幾所人斷五上分結得阿羅漢閻浮提幾所人求辟支佛幾所人發阿耨多羅三藐三菩提心釋提桓因白佛言世尊閻浮提中少所人得三十七品乃至少所人發阿耨多羅三藐三菩提心佛告釋

海摩訶十四

四

提桓因如是如是憍尸迦少所人信佛不壞
信法不壞信僧不壞少所人於佛無疑於法
無疑於僧無疑少所人於佛決了於法決了
於僧決了憍尸迦亦少所人得三十七品三
解脫門八解脫九次第定四無礙智六神通
憍尸迦亦少所人斷三結得須陀洹斷三結
亦婬瞋癡薄得斯陀含斷五下分結得阿那
含斷五上分結得阿羅漢少所人求辟支佛
於是中亦少所人發阿耨多羅三藐三菩提
心於發心中亦少所人行菩薩道何以故是
衆生前世不見佛不聞法不供養比丘僧不
布施不持戒不忍辱不精進不禪定無智慧
不聞內空外空乃至無法有法空亦不聞不
修四念處乃至十八不共法亦不聞不修諸
三昧門陀羅尼門亦不聞不修一切智一切
種智憍尸迦以是因緣故當知少所衆生信
佛不壞信法不壞信僧不壞乃至少所衆生
求辟支佛道於是中少所衆生發阿耨多羅

三藐三菩提心於發心中少所衆生行菩薩
道於是中亦少衆生得阿耨多羅三藐三菩
提憍尸迦我以佛眼見東方無量阿僧祇衆
生發心行阿耨多羅三藐三菩提心行菩薩
道是衆生遠離般若波羅蜜方便力故若一
若二住阿鞞跋致地多隨聲聞辟支佛地南
海摩訶十四

西北方四維上下亦如是以是故憍尸迦善
男子善女人發心求阿耨多羅三藐三菩提
者應聞般若波羅蜜應受持親近讀誦說正
憶念受持親近讀誦說正憶念已應書經卷
恭敬供養尊重讚歎華香瓔珞乃至伎樂諸
餘善法入般若波羅蜜中者亦應聞受乃至
正憶念何等是諸餘善法中所謂檀波羅蜜
尸波羅蜜羼提波羅蜜毘梨耶波羅蜜禪波
羅蜜內空外空乃至無法有法空諸三昧門
諸陀羅尼門四念處乃至十八不共法大慈
大悲如是等無量諸善法皆入般若波羅蜜
中是亦應聞受持乃至正憶念何以故是善

男子善女人當如是念佛本為菩薩時如是
 行如是學所謂般若波羅蜜禪波羅蜜毘梨
 耶波羅蜜羣提波羅蜜尸羅波羅蜜檀波羅
 蜜內空乃至無法有法空諸三昧門諸陀羅
 尼門四念處乃至十八不共法大慈大悲如
 是等無量諸佛法我等亦應隨學何以故般

若波羅蜜是我等所尊禪波羅蜜乃至無量
 諸餘善法亦是我等所尊此是諸佛法印諸
 辟支佛阿羅漢阿那含斯陀含須陀洹法印
 諸佛學是般若波羅蜜乃至一切種智得度
 彼岸諸辟支佛阿羅漢阿那含斯陀含須陀
 洹亦學是般若波羅蜜乃至一切智得度彼

岸以是故憍尸迦善男子善女人若佛在世
 若般涅槃後應依止般若波羅蜜禪波羅蜜
 毘梨耶波羅蜜羣提波羅蜜尸羅波羅蜜檀
 波羅蜜乃至一切種智亦應依止何以故是
 般若波羅蜜乃至一切種智是諸聲聞辟支
 佛菩薩摩訶薩及一切世間天人阿脩羅所

可依止憍尸迦若有善男子善女人佛般涅
 槃後為供養佛故作七寶塔高一由旬天香
 天華天瓔珞天持香天澤香天衣天幢蓋天
 伎樂供養恭敬尊重讚歎憍尸迦於汝意云
 何是善男子善女人從是因緣得福多不釋
 提桓因言世尊甚多甚多佛言不如是善男
 子善女人聞是般若波羅蜜書寫受持親近
 正憶念不離薩婆若心亦恭敬尊重讚歎若
 華香瓔珞持香澤香幢蓋伎樂供養是善男
 子善女人福德多佛告憍尸迦置一七寶塔
 若善男子善女人供養佛故佛般涅槃後起
 七寶塔滿閻浮提皆高一由旬恭敬供養尊

摩訶訶十四

六

重讚歎華香瓔珞幢蓋伎樂供養憍尸迦於
 汝意云何是善男子善女人得福多不釋提
 桓因言世尊其福甚多佛言不如是善男子
 善女人如前供養般若波羅蜜其福甚多憍
 尸迦復置一閻浮提滿中七寶塔若有善男
 子善女人供養佛故佛般涅槃後起七寶塔

滿四天下皆高一由旬供養如前憍尸迦於
汝意云何是善男子善女人其福多不釋提
桓因言甚多甚多佛言不如是善男子善女
人書持般若若波羅蜜恭敬尊重讚歎華香乃
至伎樂供養其福甚多憍尸迦復置四天下
滿中七寶塔若有善男子善女人供養佛故

佛般涅槃後起七寶塔滿小千國土皆高一
由旬供養如前憍尸迦於汝意云何是善男
子善女人其福多不釋提桓因言甚多甚多
佛言不如是善男子善女人書持般若若波羅
蜜受持恭敬尊重讚歎華香乃至伎樂供養
其福甚多憍尸迦復置小千國土滿中七寶

摩訶十四

塔若有善男子善女人供養佛故佛般涅槃
後起七寶塔滿二千中國土皆高一由旬供
養如前故不如供養般若若波羅蜜其福多復
置二千中國土七寶塔若有善男子善女人
供養佛故佛般涅槃後起七寶塔滿三千大
千國土皆高一由旬盡形壽供養天華天香

天瓔珞乃至天伎樂於汝意云何是善男子
善女人得福多不釋提桓因言卅尊甚多甚
多佛言不如是善男子善女人書持是般若
波羅蜜恭敬尊重讚歎香華乃至伎樂供養
其福甚多復置三千大千國土中七寶塔若
三千大千國土中衆生一一衆生供養佛故

佛般涅槃後各起七寶塔恭敬供養尊重讚
歎華香乃至伎樂供養若有善男子善女人
書持般若若波羅蜜乃至正憶念不離薩婆若
心亦恭敬尊重讚歎華香瓔珞乃至伎樂供
養是人得福甚多釋提桓因白佛言如是如
是卅尊若人供養恭敬尊重讚歎是般若波

羅蜜則為供養過去未來現在佛卅尊若十
方如恒河沙等國土中衆生一一衆生供養
佛故佛般涅槃後各起七寶塔高一由旬是
人若一劫若減一劫恭敬尊重讚歎華香乃
至伎樂供養卅尊是善男子善女人得福多
不佛言甚多釋提桓因言若有善男子善女

人書持是般若波羅蜜乃至正憶念亦恭敬
 供養尊重讚歎華香乃至伎樂供養其福大
 多何以故卅尊一切善法皆入般若波羅蜜
 中所謂十善道四禪四無量心四無色定三
 十七品三解脫門空無相無作四諦苦諦集
 諦滅諦道諦六神通八解脫九次第定檀波

羅蜜尸羅波羅蜜羸提波羅蜜毘梨耶波羅
 蜜禪波羅蜜般若波羅蜜內空乃至無法有
 法空諸三昧門諸陀羅尼門佛十力四無所
 畏四無礙智大慈大悲十八不共法一切智
 道種智一切種智卅尊是名一切諸佛法印
 是法中一切聲聞及辟支佛過去未來現在

解摩訶

十四卷八

諸佛學是法得度彼岸

摩訶般若波羅蜜經述成品第三十三

尔時佛告釋提桓因言如是如是憍尸迦是
 諸善男子善女人書是般若波羅蜜持經卷
 受學親近讀誦說正憶念加復供養華香瓔
 珞持香澤香幢幡伎樂當得無量無數不可

思議不可稱無邊功德何以故諸佛一切智
 一切種智皆從般若波羅蜜中生諸菩薩摩
 訶薩禪波羅蜜毘梨耶波羅蜜羸提波羅蜜
 尸羅波羅蜜檀波羅蜜皆從般若波羅蜜中
 生內空乃至無法有法空四念處乃至十八
 不共法皆從般若波羅蜜中生諸佛五眼亦

從般若波羅蜜中生成就衆生淨佛國土道
 種智一切種智諸佛法皆從般若波羅蜜中
 生聲聞乘辟支佛乘佛乘皆從般若波羅蜜
 中生以是故憍尸迦善男子善女人書是般
 若波羅蜜持經卷親近讀誦說正憶念加復
 供養華香乃至伎樂過出前供養七寶塔百

分千分千億万分乃至算數辭喻所不能及
 何以故憍尸迦若波羅蜜在於世者佛
 寶法寶比丘僧寶終不滅若般若波羅蜜在
 於世者十善道四禪四無量心四無色定檀
 波羅蜜乃至般若波羅蜜四念處乃至十八
 不共法一切智一切種智皆現於世若般若

摩訶訶十四

九

波羅蜜在於世者世間便有利利大姓婆羅門大姓居士大家四天王天乃至阿迦尼吒諸天須陀洹果乃至阿羅漢果辟支佛道菩薩摩訶薩無上佛道轉法輪成就衆生淨佛國土

摩訶般若波羅蜜經勸持品第三十四

尔時三千大千國土所有四天王天乃至阿迦尼吒天語釋提桓因諸天言應受是般若波羅蜜應持應親近應讀誦說正憶念何以故若受持般若波羅蜜乃至正憶念故一切所脩習善法當具足滿增益諸天衆減損阿脩羅諸天子受持般若波羅蜜乃至正憶念故佛種不斷法種僧種不斷佛種法種僧種不斷故便有檀波羅蜜尸羅波羅蜜羣提波羅蜜毘梨耶波羅蜜禪波羅蜜般若波羅蜜皆現於世四念處乃至十八不共法菩薩道皆現於世須陀洹果斯陀含果阿那含果阿羅漢果辟支佛道佛道須陀洹乃至佛皆現

於世尔時佛告釋提桓因言憍尸迦汝當受是般若波羅蜜持讀誦說正憶念何以故若諸阿脩羅生心欲與三十三天共鬪憍尸迦汝尔時當誦念般若波羅蜜諸阿脩羅惡心即滅更不復生憍尸迦若諸天子天女五死相現時當墮不如意處汝當於其前誦讀般若

若波羅蜜是諸天子天女聞般若波羅蜜功德力故還生本處何以故聞般若波羅蜜有大利益故復次憍尸迦若有善男子善女人若諸天子天女聞是般若波羅蜜經耳是功德故漸當得阿耨多羅三藐三菩提何以故憍尸迦過去諸佛及弟子皆學是般若波羅蜜得阿耨多羅三藐三菩提入無餘涅槃憍尸迦未來世諸佛今現在十方諸佛及弟子皆學是般若波羅蜜得阿耨多羅三藐三菩提入無餘涅槃何以故憍尸迦是般若波羅蜜攝一切善法若聲聞法若辟支佛法若菩薩法若佛法釋提桓因白佛言世尊般若波

摩訶般若波羅蜜經第十四卷

羅蜜是大明呪無上明呪無等明呪何以故世尊是般若波羅蜜能除一切不善能與一切善法佛語釋提桓因如是如是憍尸迦般若波羅蜜是大明呪無上明呪無等明呪何以故憍尸迦過去諸佛因是明呪故得阿耨多羅三藐三菩提若未來世諸佛今現

在十方諸佛亦因是明呪得阿耨多羅三藐三菩提因是明呪故世間便有十善道便有四禪四無量心四無色定便有檀波羅蜜乃至般若波羅蜜四念處乃至十八不共法便有法性如法相法住法位實際便有五眼須陀洹果乃至阿羅漢果辟支佛道一切智一

切種智憍尸迦菩薩摩訶薩因緣故十善出於世間四禪四無量心乃至一切種智須陀洹乃至諸佛出於世間辟如滿月照明星宿亦能照明如是憍尸迦一切世間善法正法十善乃至一切種智若諸佛不出時皆從菩薩生是菩薩摩訶薩方便力皆從般若波羅

蜜生菩薩摩訶薩以是方便力行檀波羅蜜乃至禪波羅蜜內空乃至無法有法空四念處乃至十八不共法不證聲聞辟支佛地亦能成就衆生淨佛國土壽命成就國土成就菩薩眷屬成就得一切種智皆從般若波羅蜜中生復次憍尸迦若善男子善女人聞般若

摩訶十四

十一

若波羅蜜受持親近乃至正憶念是人當得今世後世功德釋提桓因白佛言世尊何等是善男子善女人受持般若波羅蜜乃至正憶念得今世功德佛告釋提桓因若有善男子善女人受持般若波羅蜜乃至正憶念終不中毒死兵刃不傷水火不害乃至四百四

病所不能中除宿命業報復次憍尸迦若有官事起是善男子善女人讀誦般若波羅蜜故往到官所官不譴責何以故是般若波羅蜜威力故若善男子善女人讀誦是般若波羅蜜到王所若太子大目所王及太子大目皆歡喜問訊和意與語何以故是諸善男子

善女人常有慈悲喜捨心向衆生故憍尸迦若善男子善女人受持般若波羅蜜乃至正憶念得如是等種種今世功德憍尸迦何等是善男子善女人後世功德是善男子善女人終不離十善道四禪四無量心四無色定六波羅蜜四念處乃至十八不共法是人終

不墮三惡道受身完具終不生貧窮下賤工師除廁人擔死人家常得三十二相常得化生諸現在佛國終不離菩薩神通若欲從一佛國至一佛國供養諸佛聽諸佛法即得隨意所遊諸國成就衆生淨佛國土漸得阿耨多羅三藐三菩提憍尸迦是名後世功德以

是故憍尸迦善男子善女人應當受持般若波羅蜜親近讀誦說正憶念華香乃至伎樂供養常不離薩婆若心是善男子善女人乃至阿耨多羅三藐三菩提得今世後世功德成就

摩訶般若波羅蜜經梵志品第三十五

余時諸外道梵志來向佛所欲求佛短是時釋提桓因心念是諸外道梵志來向佛所欲求佛短我今當誦念從佛所受般若波羅蜜是諸外道梵志等終不能中道作礙斷說般若波羅蜜釋提桓因作是念已即誦般若波羅蜜是時諸外道梵志遙繞佛復道還去時

摩訶般若波羅蜜經

第十卷

舍利弗心念是中何因緣諸外道梵志遙繞佛復道還去佛知舍利弗所念告舍利弗是釋提桓因誦念般若波羅蜜以是因緣故諸外道梵志遙繞佛復道還去舍利弗我不見是諸外道梵志一念善心是諸外道梵志持惡心來欲索佛短舍利弗我不見說般若波羅蜜時一切世間若天若魔若梵沙門衆婆羅門衆中有持惡意來能得短者何以故舍利弗是三千大千世界中諸四天王天乃至阿迦尼吒天諸聲聞辟支佛諸菩薩摩訶薩守護是般若波羅蜜所以者何是諸天人皆從般若波羅蜜中生故復次舍利弗十方如

恒河沙等國土中諸佛及聲聞辟支佛菩薩
摩訶薩諸天龍鬼神等皆守護是般若波羅
蜜所以者何是諸佛等皆從般若波羅蜜中
生故今時惡魔心念令佛四眾現前集會亦
有欲界色界諸天子是中必有菩薩摩訶薩
受記當得阿耨多羅三藐三菩提我寧可至

佛所破壞其意是時惡魔化作四種兵來至
佛所今時釋提桓因心念是四種兵或是惡
魔化作欲來向佛何以故是四種兵嚴飭頻
婆娑羅王四種兵所不類波斯匿王四種兵
亦不類諸釋子四種兵亦不類諸梨昌四種
兵皆亦不類此是惡魔化作四種兵是惡魔

摩訶

十三

長夜索佛短欲惱眾生我寧可誦念般若波
羅蜜釋提桓因即時誦念般若波羅蜜惡魔
聞其所誦漸漸而退復道還去今時會中四
天王諸天子乃至阿迦尼吒諸天子化作天
華於虛空中而散佛上作是言世尊願令般
若波羅蜜久住閻浮提所以者何閻浮提人

受持般若波羅蜜隨所住時佛寶住不滅法
寶僧寶亦住不滅今時十方如恒河沙等國
土中諸天亦皆散華而作是言世尊願令般
若波羅蜜久住閻浮提若般若波羅蜜久住
佛法僧亦當久住亦分別知菩薩摩訶薩道
復次所在住處有善男子善女人書持般若

波羅蜜經卷是處則為照明已離眾真佛告
釋提桓因等諸天子如是如是憍尸迦及諸
天子閻浮提人受持般若波羅蜜隨所住時
佛寶如是住法寶僧寶亦如是住乃至在所
住處善男子善女人有書持般若波羅蜜經
卷是處則為照明已離眾真今時諸天子化

作天華散佛上作是言世尊者有善男子善
女人受持般若波羅蜜乃至正憶念魔若魔
天不能得其便世尊我等亦當擁護是善男
子善女人何以故若善男子善女人受持般
若波羅蜜乃至正憶念我等視是人如佛若
次佛是時釋提桓因白佛言世尊善男子善

女人受持般若波羅蜜乃至正憶念者當知是人先世於佛所作功德多親近供養諸佛為善知識所護何以故諸佛一切智應當從般若波羅蜜中求般若波羅蜜亦當從一切智中求所以者何般若波羅蜜不異一切智一切智不異般若波羅蜜般若波羅蜜一切智不二不別是故我等視是人如佛若次佛佛告釋提桓因言如是如是憍尸迦諸佛一切智即是般若波羅蜜般若波羅蜜即是一切智何以故憍尸迦諸佛一切智皆從般若波羅蜜中生般若波羅蜜不異一切智一切智不異般若波羅蜜般若波羅蜜一切智不二不別

摩訶般若波羅蜜經卷第十四 比丘清滿書

摩訶般若波羅蜜經卷第十五 海五

後秦三藏沙門鳩摩羅什譯

稱譽品第三十六

爾時慧命阿難白佛言世尊何以故不稱譽檀波羅蜜尸羅波羅蜜毘梨耶波羅蜜毘梨耶波羅蜜乃至十八不共法但稱譽般若波羅蜜佛告阿難般若波羅蜜於五波羅蜜乃至十八不共法為尊導阿難於汝意云何不迴向薩婆若布施得稱檀波羅蜜不也世尊不迴向薩婆若尸羅波羅蜜毘梨耶波羅蜜是般若波羅蜜不不也世尊以是故知般若波羅蜜於五波羅蜜乃至十八不共法為尊導是故稱譽阿難白佛言世尊云何布施迴向薩婆若作檀波羅蜜乃至作般若波羅蜜佛告阿難以無二法布施迴向薩婆若是名檀波羅蜜以不生不可得故迴向薩婆若布施是名檀波羅蜜乃至以無二法智慧迴向薩婆若是名般若波羅蜜